

# 'Parlimen' siswa UMS April ini

Um 26-2-2015 26

Oleh SITTI NOR AZIZAH TALATA

utusanabah@utusan.com.my

■ KOTA KINABALU 24 FEB.

UNIVERSITI Malaysia Sabah (UMS) mengorak selangkah ke hadapan dalam pengamalan demokrasi apabila 'Parlimen' Mahasiswa UMS akan bersidang buat pertama kalinya pada April ini.

Perkara itu dinyatakan Timbalan Naib Canselor (Hal Ehwal Pelajar dan Alumni) UMS, Prof. Madya Dr. Ismail Ali ketika membuat kunjungan hormat terhadap Yang Dipertua Dewan Undangan Negeri (DUN) Sabah, Datuk Seri Salleh Tun Said Keruak.

Jelas Ismail, kunjungan itu bertujuan membincangkan hasrat UMS mengadakan Persidangan 'Parlimen' Mahasiswa selain mewujudkan kerjasama dari segi pengurusan serta kelancaran persidangan kelak.

Sementara itu, Salleh berkata, 'Parlimen' Mahasiswa tersebut akan memberi pengalaman berguna kepada golongan mahasiswa sekali gus memberi pemahaman



**ISMAIL ALI (kanan)** mengadakan perbincangan dengan Salleh Tun Said Keruak ketika membuat kunjungan hormat ke atas Yang Dipertua Dewan Undangan Negeri Sabah tersebut di Kota Kinabalu, baru-baru ini

kepada mereka tentang proses perbincangan di Parlimen.

"Harapan saya agar wakil mahasiswa yang mengambil bahagian dapat mengasah kemahiran berkomunikasi, petah berhujah, bersoal

jawab, kritis, terbuka dan berbudi bahasa dalam mengeluarkan pendapat atau pandangan," katanya yang akan mempengerusikan persidangan 'Parlimen' Mahasiswa itu nanti.